



ТОШКЕНТ ОҚШОМИ

Газета 1966 йил
 1 июлдан
 чиқа бошлаган

ШАҲАР ИЖТИМОЙ-СИЁСИЙ КУНДАЛИК ГАЗЕТАСИ

№ 80 (11.891)

Баҳоси эркин нарҳда

Ўзбекистон Республикаси Президентининг
ФАРМОНИ

ИККИНЧИ ЖАҲОН УРУШИ ҚАТНАШЧИЛАРИНИ РАҒБАТЛАНТИРИШ ТЎҒРИСИДА

9 май умумхалқ байрами – Хотира ва қадрлаш куни ўтказилиши, шунингдек, 1941-1945 йиллардаги Иккинчи жаҳон урушида фашизм устидан қозонилган Ғалабанинг 66 йиллиги нишонлангани муносабати билан ҳамда уруш қатнашчилари ва ногиронларини моддий рағбатлантириш мақсадида:

1. Иккинчи жаҳон уруши қатнашчилари ва ногиронларига 300 000 (уч юз минг) сўм миқдорда бир марталик пул мукофоти белгилансин.

2. Мазкур Фармонни бажариш билан боғлиқ сарф-харажатлар республика бюджети маблағлари ҳисобидан амалга оширилсин.

3. Ўзбекистон Республикаси Молия вазирлиги, Меҳнат ва аҳолини ижтимоий муҳофаза қилиш вазирлиги, Мудофаа вазирлиги, Ички ишлар вазирлиги, Миллий хавфсизлик хизмати ва Марказий банки Иккинчи жаҳон уруши қатнашчилари ва ногиронларига ушбу пул мукофотининг тантанали ва байрамона вазиятда топширилишини таъминласин.

4. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари Ўзбекистон Республикаси Маданият ва спорт ишлари вазирлиги, Мудофаа вазирлиги, Ички ишлар вазирлиги, Бадий академия, Хотин-қизлар кўмитаси, Республика Маънавият тарғибот маркази, «Нуроний» ва «Махалла» жамғармалари, бошқа жамоат ташкилотлари билан биргаликда Ватанимиз озодлиги ва шаъну шарафига химоячиларига бағишланган махсус учрашувлар ва маърифий-бадий кечалар ўтказсин.

5. Ушбу Фармоннинг ижросини назорат қилиш Ўзбекистон Республикасининг Бош вазири Ш.М.Мирзиёев зиммасига юклансин.

Ўзбекистон Республикаси
 Президенти
И.КАРИМОВ

Тошкент шаҳри,
 2011 йил 22 апрель

ПОЙТАХТНИНГ БИР КУНИ

Мамлакатимизда кексаларга, жумладан, Иккинчи жаҳон уруши қатнашчилари ва ногиронларига чуқур ҳурмат ва эҳтиром кўрсатиш, уларнинг фаровон ҳаёт кечирishi учун кенг шарт-шароит ва имкониятлар яратиш ҳамда моддий рағбатлантириш масалаларига доимий эътибор қаратилмоқда.

9 май —
 Хотира
 ва қадрлаш
 куни

КЕКСАЛАРИ ҚАДРЛАНГАН ЮРТ

Президентимиз Ислоҳ Каримовнинг шу йил 22 апрелда қабул қилинган «Иккинчи жаҳон уруши қатнашчиларини рағбатлантириш тўғрисида»ги Фармони бу борадаги эътибор ва ғамхўрликнинг яна бир ёрқин ифодаси бўлди. Мазкур фармонга кўра, Иккинчи жаҳон уруши қатнашчиси ва ногиронига 300 минг сўм миқдорда пул мукофоти берилди, Ватанимиз озодлиги ва шаъну шарафига химоячиларига бағишланган махсус учрашувлар ва маърифий-бадий кечалар ўтказилди.

Бугунги кунда юртимизда 8 минг нафардан ортиқ уруш қатнашчиси, 140 мингга яқин уруш ортида меҳнат қилган фахрийлар истиқомат қилмоқда. Жойлардаги маҳалла фуқаролар йиғинлари ҳузурда ташкил этилган жамоатчилик марказлари фаоллари томонидан уларни ҳар тарафлама қўллаб-қувватлаш, манфаатларини ҳимоя қилиш, турмуш фаровонлигини янада юксалтириш, байрамларда совға-саломлар улашиш масалаларига алоҳида эътибор берилмоқда.

Таълим муассасалари ҳамда «Камолот» ёшлар ижтимоий ҳаракатининг турман ва шаҳар бўлимлари қошида фаолият олиб бораётган «Ғамхўрлик» ва «Мадад» гуруҳлари аъзолари юртимизда истиқомат қилаётган ёрдამга муҳтож Иккинчи жаҳон уруши қатнашчилари ва ногиронлари, меҳнат фахрийлари, 100 ёшдан ошган отахону онахонларнинг уй-рўзғор ишларига яқиндан ёрдамлашиб келмоқда. Зеро, кексаларга кўмаклашиш, ҳурмат-эҳтиром кўрсатиш ва уларни қадрлаш – халқимизга хос эзгу қасдлардан.

Ўзбекистон фахрийларини ижтимоий қўллаб-қувватлаш «Нуроний» жамғармаси марказий кенгашидан маълум қилишларича, 2010 йили уруш ва меҳнат

фахрийлари ҳамда ёрдამга муҳтож ёлғиз кексаларга моддий ёрдამ кўрсатилган, минглаб фахрийларнинг Самарқанд, Бухоро, Қарши, Хива ва Тошкент каби тарихий шаҳарларга саёхатлари уюштирилган. «Саховат» ва «Мурувват» уйларидаги ёлғиз кексаларга доимий равишда манзилли ижтимоий хизмат ва ёрдамлар кўрсатилмоқда.

Президентимиз Ислоҳ Каримовнинг 2006 йил 7 сентябрда қабул қилинган «2007-2010 йилларда ёлғиз кексалар, пенсионер ва ногиронларни аниқ ижтимоий муҳофаза қилиш ва уларга ижтимоий хизмат кўрсатишни янада кучайтириш чора-тадбирлари Дастури тўғрисида»ги Қарори ижроси доирасида юзлаб ёлғиз кексалар ва ногиронлар тиббий кўриқдан ўтказилди, зарур дори-дармон ҳамда протез-ортопедия мосламалари билан бепул таъминланди.

(Давоми 2-бетда)

Хабар қилинганидек, Тошкентда 22 — 23 апрель кунлари Ўзбекистон Республикаси Президенти Ислоҳ Каримовнинг Олий Мажлис палаталарининг 2010 йил 12 ноябрда бўлиб ўтган қўшма мажлисидаги демократик ислохотларни янада чуқурлаштириш ва фуқаролик жамиятини ривожлантириш концепцияси ҳақидаги маърузасининг асосий қоидаларига бағишланган халқаро илмий-амалий конференция бўлиб ўтди.

ЎЗБЕКИСТОН ИСЛОҲОТЛАРНИ ЧУҚУРЛАШТИРИШ ЙЎЛИДА: ДЕМОКРАТИК РИВОЖЛАНИШНИНГ ЯНГИ БОСҚИЧИ

Анжуманда Ўзбекистонда амалга оширилаётган давлат ҳокимияти ва бошқаруви демократлаштириш, суд-ҳуқуқ тизимини ислоҳ этиш, сўз ва ахборот-эркинлигини таъминлаш, сайлов тизимини такомиллаштириш, фуқаролик жамияти институтларини шакллантириш ва ривожлантириш, бозор ислохотлари ва иқтисодий эркинлаштириш, шунингдек, демократик мамлакатларнинг бу борадаги тажрибасига оид долзарб масалалар муҳокама этилмоқда.

Конференцияда жаҳоннинг 40 га яқин мамлакатидан 200 нафардан зиёд хорижий олимлар, экспертлар ва жамоат арбоблари, шунингдек, БМТ, унинг таркибига кирувчи тузилмалар, Европада хавфсизлик ва ҳамкорлик ташкилоти, Жаҳон банки, Осий тараққиёт банки, Ис-

лом тараққиёт банки каби бир қатор нуфузли халқаро ташкилотлар ва молия институтларининг ҳамда юртимиздаги фуқаролик жамияти институтлари, давлат ҳокимияти ва бошқарув органлари вакиллари, мамлакатимиз олимлари, мутахассислари ва Ўзбекистон парламенти аъзолари иштирок этмоқда.

Ўзбекистон Республикаси Президенти Ислоҳ Каримовнинг конференция қатнашчиларига табригини Ўзбекистон Республикаси Бош вазирининг биринчи ўринбосари Р.Азимов ўқиб эшиттирди.

23 апрель куни «Демократик ислохотларни янада чуқурлаштириш ва фуқаролик жамиятини ривожлантириш концепцияси» мавзудаги халқаро илмий-амалий конференция ўз ишини давом эттирди.

(ЎзА)

Сўз — халқаро конференция иштирокчиларига

ЎЗБЕКИСТОН РАҲБАРНИНГ УЗОҚНИ КЎЗЛАБ ЮРИТАЁТГАН ОҚИЛОНА СИЁСАТИНИНГ ЮКСАК САМАРАЛАРИ

Теҗузи **ТНАКА**, Марказий **Осий** ва Кавказ мамлакатлари институти ижрочи директори (Япония):

– Ўзбекистоннинг иқтисодий соҳада эришаётган ютуқлари, халқаро иқтисодий майдондаги нуфузи ва мавқеи муттасил ошиб бормоқда. Бунда мамлакатингизда ижтимоий-иқтисодий ривожланиш стратегиясининг пухта ишлаб чиқилгани, иқтисодий ислохотлар мақсади ва вазифалари аниқ ва тўғри кўрсатиб берилгани эришилаётган улкан ютуқ ва марраларда муҳим омил бўлаётди.

Ўзбекистонда демократик ислохотларни янада чуқурлаштириш ва фуқаролик жамиятини ривожлантириш концепциясини катта кизиқиш билан ўқиб чикдим. Мамлакатингизда сиёсий, иқтисодий ва ижтимоий соҳалардаги бир қатор қонунларга киритилган ва киритилиши кўзда тутилаётган ўзгаришлар ва қўшимчалар келгусида ушбу тармоқларни янада такомиллаштиришга улкан ҳисса қўшиши шубҳасиз.

Наталиа БАРЖЕЛИ, Халқаро нотижорат ҳуқуқ маркази вице-президенти (АҚШ):

– Президент Ислоҳ Каримовнинг концепциясида мамлакатингиз ҳаётига оид кўпгаб долзарб масалалар қамраб олинган. Унда илгари сурилган ғоялар ва ташаббусларнинг амалга оширилиши нафақат Ўзбекистон, балки дунёнинг бошқа давлатлари ҳаётига ҳам ижобий таъсир қилади, деб ўйлайман.

(Давоми 2-бетда)

МАМЛАКАТИМИЗДА

• Хабар берилганидек, Ўзбекистон Республикаси Президенти Ислоҳ Каримов жойларда ижтимоий-иқтисодий ислохотларнинг бориши, амалга оширилаётган бунёдкорлик ва ободонлаштириш ишлари билан танишиш мақсадида 22 апрель куни Сурхондарё вилоятида бўлди.

• Олий Мажлис Қонунчилик палатасида Аграр ва сув ҳўжалиги масалалари кўмитаси томонидан амалий семинар ташкил этилди. Кичик бизнес корхоналари, жумладан, фермер ҳўжаликлари махсуслотларини ташқи бозорларда сотишга оид ҳуқуқий асосларни янада такомиллаштиришга бағишланган мазкур тадбирда куйи палата депутатлари, тегишли вазирлик ва идоралар вакиллари ҳамда ОАВ ходимлари иштирок этди.

• Қарши санъат коллежида Ўзбекистон Республикаси Мустақиллигининг 20 йиллигига бағишланган «Ўзбекистон — умумий уйимиз» деб номланган дўстлик ва маданият фестивалининг Қашқадарё вилоят босқичи бўлиб ўтди. Тадбир давомида вилоятдаги маданият марказлари қошида ташкил этилган бадий жамоалар ўзларининг миллий куй-қўшиқлари, рақсларини намойиш этишди.

• Нукусда «Жанубий Орол бўйи археологияси, этнографияси ва тарихи масалалари» мавзуда халқаро илмий анжуман ўтказилди. Анжуманда мавзуга оид илмий-тадқиқотлар натижалари бўйича маърузалар тингланиб, муҳокама этилган масалалар юзасидан олимлар олдида турган долзарб вазифалар белгилаб олинди.

• Қўқон шаҳрида «Истиклол» ёшлар футбол маркази қурилиб, фойдаланишга топширилди. Марказ бир вақтнинг ўзида 50 киши шуғулланиши мумкин бўлган ёзги ва қишки тренажёр майдони, 4 мини-футбол майдонини ўз ичига олган. Бу ерда бир кунда 600 нафар бола ўз маҳоратини ошириш имкониятига эга.

• Янгиер шаҳридаги «Алёр Ян» хусусий корхонасида деворбоп қурилиш материаллари — шлакоблок ишлаб чиқариш ўзлаштирилди. Бунинг учун тадбиркор Муборак Хўжақулова банкнинг 30 миллион сўмлик кредитдан самарали фойдаланди. Натижада бу ерда ўнга яқин янги иш ўринлари яратилиб, йилига 800 мингга шлакоблок ишлаб чиқариш имконияти юзага келди.

• Қўқон шаҳрида «Истиклол» ёшлар футбол маркази қурилиб, фойдаланишга топширилди. Марказ бир вақтнинг ўзида 50 киши шуғулланиши мумкин бўлган ёзги ва қишки тренажёр майдони, 4 мини-футбол майдонини ўз ичига олган. Бу ерда бир кунда 600 нафар бола ўз маҳоратини ошириш имкониятига эга.

• Янгиер шаҳридаги «Алёр Ян» хусусий корхонасида деворбоп қурилиш материаллари — шлакоблок ишлаб чиқариш ўзлаштирилди. Бунинг учун тадбиркор Муборак Хўжақулова банкнинг 30 миллион сўмлик кредитдан самарали фойдаланди. Натижада бу ерда ўнга яқин янги иш ўринлари яратилиб, йилига 800 мингга шлакоблок ишлаб чиқариш имконияти юзага келди.

ЖАҲОНДА

• «Ситроникс» концерни Москва шаҳри маъмуриятининг шаҳарда интеллектуал транспорт тизимини ташкил этиш юзасидадан ўтказган тендерда ғолиб чикди. Режага кўра ушбу лойиҳа жорий йилнинг охирига қадар амалга оширила бошланади ва унинг бюджети фақат 2011 йилдагина 6,3 миллиард рублдан иборат бўлади.

• Кеча Хитойдаги шахталардан бирини сув босиши боис 8 нафар кончи ташқи дунёдан узилиб қолди.

• Сўнги маълумотларга кўра, Японияда март ойда рўй берган кучли зилзила ва цунами натижасида ҳаётдан кўз юмганлар сони 14 минг 300 кишига етган.

• Австриянинг Инсбрук шаҳрида узунлиги 55 километрни ташкил этувчи темир йўл тоннелини қуриш ишлари бошланди. 2025 йилда фойдаланишга топширилиши режалаштирилаётган ушбу транспорт магистрალი Инсбрук шаҳрини Италиянинг Фортеца шаҳри билан боғлайди. Қурилиш ишлари ниҳоясига етгач, темир йўл тоннелидан бир ойда 320 та юк поездеи ва 80 та йўловчи поезди ўтади. Лойиҳанинг қиймати 9 миллиард 7 миллион еврога тенг.

• Олимларнинг таъкидлашича, Тинч океани келажакда иккига бўлиниши мумкин. Океаннинг литосфера қатламида рўй бераётган тектоник жараёнларни кузатиш натижасида сўнги етти миллион йил ичида бу қатламнинг иккига бўлингани аниқланган. Тинч океани тубида уни икки қисмга ажратишга қодир тоғ тизмаси ҳосил бўлган.

• Бразилиянинг Сан-Паулу шаҳрида «Лего» конструкторлик ўйини деталлари ёрдამда энг баянд минора кўтарилди. Мазкур ўйинчоқ конструкциянинг баяндлиги 31х19 метр бўлиб, уни ясаш учун 500 минг дона деталь кетган. Тўрт кун давомида минорани қуришда болалар билан бирга уларнинг ота-оналари ҳам иштирок этишган.

**ҚИСҚА
 САТРАДАРДА**

Тошкент шаҳар ҳокимлигининг Ахборот хизмати ва ўз муҳбирларининг хабарларидан.

✓ **ЎЗБЕКИСТОН** Республикаси Фанлар академияси Асосий кутубхонасида ўтказилган давра суҳбати «Ноёб мулк хазинаси — китоблар» деб номланди.

✓ **БУГУН** Ўзбекистон Давлат жисмоний тарбия институтидида «Гиёвандлик — жон кушандаси» мавзуда тадбир бўлиб ўтди.

✓ **ЭРТАГА** Тошкент маданият коллежида театр актёрлари ва иқтидорли хонандаларнинг ижодий учрашуви уюштирилади.

